

# Powšitkowne WOZJEWJENJA

njedźelu, 18. februara 2018

## Wustajeńca z fotami wo katolskich Serbach

Fotowa wustajeńca „Heimat / Domizna“ Andreasa Varnhorna wotewrje so srjedu, 21. februara, we 18.00 hodź. w Budyskim Serbskim domje. Fotograf z Frankobroda nad Mohanom je 1992 Hornju Łužicu wopytał a předewšěm katolskich Serbow při najwšelakorišich přiležnosćach, naložkach, swjedženjach fotografował. Loni je jich po 25 lětach znowa wopytał, jich wospjet ze svojim fotoaparatom zapopadnył a so jich při tym prašal, kak je so jim mjeztym zešlo. Wustajeńca w Serbskej kulturnej informaciji (SKI) a na chódbach Serbskeho domu skići zajimawy wid na nowše serbske stawizny. Prezentacija z fotami a tekstami wostanje hač do 30. junija k wotewrjenskim časam SKI wot póndźele hač do pjatka wot 10.00 hač do 16.30 hodź. přistupna. Serbski dom je wotydženju hač do 17.30 hodź. wotewrjeny.

## Póstne seminary w Smochćicach k temje měř

„Cyrkwje a wójna. Džensa so wo měř postarać“ rěka hłowna tema lětušich póstnych seminarow w Smochčanskim Domje biskopa Bena. Póndźelu, 19. februara, rěka tema „Mječe na radlicy – bě žno to?“, 26. februara „Wo měř bjez brónjow so postarać – dže da to?“ a 5. měřca „Brónjenje šwikać – dosaha to?“. Referenca su Harald Bretschneider z Drježdžan, Reinhard Pappai z Budyšina, fararka Eva Hadem z Magdeburga, dr. Jörg Lüer z Berlina, farar Bernd Schaller z Berlina a Annemarie Müller z Drježdžan. Seminary, kotrež započnu so stajnje w 19.30 hodź., zarjadowuje Dom biskopa Bena w kooperaciji z Ewangelsko-lutherskim cyrkwiskim wobwodom Budyšin-Kamjenc, Budyskim dekanatom a Towarstwom Cyrila a Metoda z.t.

## Kak džěći aktiwnje zapřijeć

Čestnohamtscy pomocnicy a dalši zajimcy ze serbskich wosadow su na přednošk pod heslom „Kak džěći za Boha zahorić?“ přeprašeni. Referent za džěćacu pastoralku Drježdžansko-Mišnjanskeho biskopstwa Stephan Schubert nawjaza wutoru, 20. měřca, na swój přednošk z lońšeho nowembra a chce so na tutym wječoru mjez druhim prašenju wěnować, kak móhli so džěći aktiwnje do Božeje mšě zapřijeć. Započatk je w 19.30 hodź. w Don Boskowym domje we Worklecach.

## Zetkanje samostejacych

Samostejacy ze serbskich wosadow su na swoje přichodne zetkanje wutoru, 6. měřca, w 14 hodź. do Domu biskopa Bena w Smochćicach přeprašeni. Zajimcy njech so prošu hač do pjatka, 2. měřca, w redakciji Katolskeho Posoła přizjewja, telefonowe čisło (0 35 91) 55 02 12. Štóž chce wotewzaty być, njech to prošu zdžěli. Wšitcy njech sej Wosadnik sobu přinjesu. Tež druzy su wutrobnje witani.

## Pytaja kubłarku

Radworski Katolski serbski džěćacy dom „Alojs Andricki“ pyta kubłarku. Nadrobniše informacije poda wjednica Monika Bukowa, telefonowe čisło (03 59 35) 20 717.

## Po Brazilskej a Francoskej

Wo swojim pućowanju po Brazilskej budže Pětr Rab z Pančic-Kukowa sobotu, 24. februara, w Chróšćanskej putniskej hospodze ze swětłowobrazami přednošować. Hosćičelka Monika Gerdesowa poda zhromadnje z Beatu Gruss z Budyšina sobotu, 3. měrca, dohlad do putnikowanja po Francoskej z Moissaca hač za Pyrenejemi. Započatk je stajnje w 19.45 hodź.

## Kubłanske dny serbskeje młodžiny

Worklečanske dekanatne dušepastyrstwo młodžiny zarjadowuje wot pjatka do njedzele, 2. do 4. měrca, kubłanske dny serbskeje młodžiny w Schmiedebergu. Přizjewjenja k tomu přijimuje wone hač do štwórtka, 22. februara, z mailku na don.boskowy-dom@t-online.de abo telefonisce pod čisłom (03 57 96) 9 55 95.

## Serbske kemše w Drježdžanach

Drježdžanscy Serbja su na maćernorěčnu Božu mšu njedzeli, 25. februara, w 16.30 hodź. do cyrkwy swjateho Antonija w Drježdžanach-Löbtauwje, Bünauska hasa 10, přeprašeni. Po kemšach zetkamy so w tamnišej wosadnicy. *M. Bubnerjec*

## Do Lourdesa a Pólskeje

Přeprašuju na putniskej jězbej z busom wot srjedy, 4. apryla, do štwórtka, 12. apryla, do Lourdesa kaž tež wot srjedy, do njedzele, 23. do 27. meje, do Wrocławja a Krakowa. Nadrobniše informacije dóstanu zajimcy pod telefonowymaj čisłomaj (01 63) 7 33 82 05 abo (03 57 96) 9 54 28 (po 19 hodź.) abo pola mnje w Hórkach, Sydlišćowu puć 2. *Maćij Hadank*